

Staðfesting forsetans á skipulagsskrá fyrir Sjóð Nielsar Dungals prófessors, útgefin á venjulegan hátt að mandatum af dómsmálaráðherra 1. nóvember 1971. Skipulagsskráin er þannig:

SKIPULAGSSKRÁ

fyrir Sjóð Nielsar Dungals prófessors.

1. gr.

Sjóðurinn heitir Sjóður Nielsar Dungals prófessors. Sjóðurinn er stofnaður með framlagi frá Rannsóknarstofu Háskólans í meina- og sýklafræði, og fær árlegar tekjur frá þeirri stofnun samkvæmt ákvörðun hlutaðeigandi stjórnvalda hverju sinni.

2. gr.

Sjóðurinn er eign Háskóla Íslands, og er varzla hans og ávöxtun í höndum rektors og háskólaráðs samkvæmt þeim almennu reglum, er gilda um sjóði Háskólans.

3. gr.

Stjórn sjóðsins er skipuð þremur mönnum, prófessorum í meinafræði við Háskóla Íslands, sem er formaður stjórnarinnar, einum manni, er læknadeild tilnefni og öðrum er háskólaráð nefni til.

4. gr.

Tilgangur sjóðsins er að bjóða til fyrirlestrahalds við Háskóla Íslands íslenzkum eða erlendum fræðimönnum, og skulu fyrirlestrarnir tengdir nafni prófessors Nielsar Dungals.

5. gr.

Reikningar sjóðsins skulu endurskoðaðir og birtir með sama hætti og reikningar annarra háskólasjóða.

6. gr.

Leita skal staðfestingu forseta Íslands á skipulagsskrá þessari.

Staðfesting forsetans á skipulagsskrá fyrir Minningarsjóð Björns Eiríkssonar og Kristínar Marteinsdóttur frá Höskuldsstaðaseli í Breiðdal, útgefin á venjulegan hátt að mandatum af dómsmálaráðherra 2. nóvember 1971. Skipulagsskráin er þannig:

SKIPULAGSSKRÁ

fyrir Minningarsjóð Björns Eiríkssonar og Kristínar Marteinsdóttur frá Höskuldsstaðaseli í Breiðdal.

1. gr.

Sjóðurinn er stofnaður af börnum þeirra hjóna og fósturdóttur, Marsilíu Ingi-björgu Bessadóttur, konu Hóseasar Björnssonar, til minningar um foreldra og fósturfóreltra þeirra, þau Björn Eiríksson og Kristínu Marteinsdóttur.

2. gr.

Stofnfé sjóðsins er öll jörðin Höskuldsstaðasel í Breiðdalshreppi, Suður-Múla-sýslu.

3. gr.

Tekjur sjóðsins eru árlegt afgjald af jörðinni, sem setja skal á vöxtu, svo og gjafir, sem sjóðnum kunna að berast.

Afkomendur Hóseasar Björnssonar og Marsiliu Ingibjargar Bessadóttur sitja fyrir um ábúð á jörðinni, en að þeim frágengnum skal öðrum afkomendum fyrrnefndra hjóna, Björns Eiríkssonar og Kristínar Marteinsdóttur, boðin jörðin til ábúðar. Að öðru leyti fer um byggingu jarðarinnar samkvæmt ábúðarlögum.

4. gr.

Þegar vaxtatekjur sjóðsins nema orðið kr. 2000.00 á ári, má árlega verja vöxtum sjóðsins til umbóta á jörðinni Höskuldsstaðaseli. Stjórn sjóðsins annast úthlutun vaxtanna, sem greiðist ábúanda Höskuldsstaðasels í hlutfalli við þær umbætur, sem gerðar hafa verið á jörðinni næsta ár á undan. Nú hafa, að dómi sjóðsstjórnar, engar þær umbætur verið gerðar neitt ár, sem ástæða þykir til að verðlauna og leggja þá vextirnir það ár við höfuðstólinn. Nú eru gerðar á einu ári óvenjumiklar umbætur á jörðinni og má þá verja til styrktar úr sjóðnum meira en eins árs vöxtum, er áður hafa verið lagðir við höfuðstólinn.

Til umbóta í þessu skuli teljast hvers konar framkvæmdir í jarðrækt og húsa-bætur, bæði íbúðarhúsa, útihúsa, raforkuframkvæmdir og skógrækt.

Þegar stjórn sjóðsins og ábúandi sjá fjárhagslega fært má sjóðurinn kaupa hús jarðarinnar svo og aðra jörð.

Um ábúðarrétt á hinni keyptu jörð fer samkvæmt reglum skipulagsskrárinnar.

5. gr.

Stjórn sjóðsins skipa sóknarpresturinn í Breiðdal, hreppstjóri og oddviti hreppsnefndar. Skulu þeir hafa umsjón með jarðarhluta sjóðsins, sjá um byggingu hans og innheimtu jarðargjalda. Handbært fé skal ávaxta í Söfnunarsjóði Íslands.

6. gr.

Leita skal staðfestingar á skipulagsskrá þessari og hún birt í B-deild Stjórnartíðindanna.

7. gr.

Með skipulagsskrá þessari er úr gildi felld skipulagsskrá fyrir Minningarsjóð Björns Eiríkssonar og Kristínar Marteinsdóttur frá Höskuldsstaðaseli í Breiðdal, nr. 30 frá 5. apríl 1961.

REGLUGERÐ

um sjóðfélaga Lífeyrissjóðs bænda og iðgjöld til sjóðsins.

1. gr.

Sjóðfélagar í Lífeyrissjóði bænda skulu vera, með þeim undantekningum, sem nefndar eru í 2. málsg., allir bændur á lögbýlum, sem þar eiga lögheimili og náð hafa 20 ára aldri fyrir lok næsta almanaksárs á undan, þar með taldir aðilar að félagsbúum. Séu hjón bæði talin bændur, skal aðeins annað þeirra talið sjóðfélagi,